

永寧州志

五

永甯州志卷二十五

調署永甯州事姚啟瑞編輯

山西書局
藏

勅諭

明

憲宗諭都察院右僉都御史崔讓勅

今特陞爾職巡撫竊夏地方訓練軍馬整飭邊務撫恤軍士防禦賊寇務要衣甲齊備器械鋒利城堡墩臺修治堅宅屯田糧草督理充足募納官軍頭目不許貪圖財物剋剋下人及役占軍餘私營家產違者輕則量情發落重則奏聞區處凡一應邊務事情軍民詞訟及利有當興弊有

當革者志誠爾從宜處置鼓與鎮守總兵等官會同心須
從長計議而行爾宜輸誠效忠嚴明賞罰振舉兵威遇有
警急須與各官同心協力相機行事務俾醜虜警伏地方
靖靖庶稱任使無得乖方誤事自取罪愆爾其敬之慎之
故諭

孝宗諭祭都察院右僉都御史崔讓文

惟爾擢秀鄉閭列官風憲屢更任使進秩都臺巡撫著安
邊之功養疾遂還鄉之志卦音遠至良用悼嗟並念往勞
特茲遣祭爾靈不昧尚克歆承

武宗諭都察院右副都御史高榮熙勅

今命爾之撫四川兼理松潘安靖邊疆等處邊備撫安兵
民總理糧餉修理城池器械操練兵馬現今保蜀江津等
處賊賊復聚為患爾一面會同總兵官揚出征勦蓋五等
餘黨一面公同副總兵王憲勦殺江津強賊朕念彼處地
方四年用兵軍民困憊已極爾須加意撫卹設法賑濟存
問疾苦寬釋脅從萊約所屬官吏不許擾害貪剋公廉有
與者以理獎勸貪酷不才者依法懲治應奏請者指實參
奏或有獄訟不平卽與申辯屯田水利等項須要用心整
理凡事與鎮守等官計議而行事有便於軍民者俱從宜
處置事情重大者具奏定奪其撫勦松潘番賊事宜須公

同鎮守總兵巡按及督同參將兵備都布按三司等官從長計議酌量處置務在計慮周密區畫停妥軍情一應機宜悉聽便宜從事參將而下俱聽節制其賑濟一事照依戶部近日題奏事理著實舉行務使民沾實惠不許虛糜故事各處盜賊窮息之日爾仍多在松潘駐劄不許專駐省城自圖便安其安綿建昌等處邊計照舊督理播州土官殺警事情自同各官處置務在得宜不許因而顧此失彼獨為風憲大臣受茲委託須當盡忠竭力展布猷猷務俾威武振揚地方甯靖以紓朕西顧之憂毋或因循苟且及處置乖方自貽咎戾爾惟欽哉故諭

武宗諭都察院右僉都御史車震勅

今命爾巡撫宣府等處地方整飭邊備訓練軍馬防禦賊寇務先撫卹士卒養其逆氣俱要交甲整頓器械鋒利城堡墩臺坍塌以時修治堅完官軍騎操馬匹貴令餼養廩壯仍督理屯田墾草并預備倉糧其錢糧出納之際尤須關防嚴謹不許官吏人等侵欺作弊禁革管軍頭目不許科剋下人及私投耕種職官有犯輕則量情懲治重則送巡按御史并彼處問刑衙門問理應奏請者參奏處治若內外官員及權豪勢要之人有侵欺盜賣糧草及阻撓屯種等項者指實奏聞凡一應軍機邊務須與鎮守總兵等

官從長計議而行分守參將邊警導官俱聽節制凡有茲
於邊備有利於軍民者聽爾便宜處置爾為夙憲重臣尤
宜持廉秉公盡心職業務令邊備修舉糧廩充實軍民得
所地方無虞庶不負朕之委託爾惟欽哉故諭

武宗諭祭都察院右都御史高崇熙文

維正德十一年歲次丙子四月壬子朔越七日戊午皇帝
遣山西布政司王軌諭祭於都察院右都御史高崇熙曰
爾性貞敏器宇魁梧發跡賢科擢司風紀歷官藩臬卓
著能聲晉佐都臺住撫西蜀時因盜起受命臨戎捷報既
聞賊氛復熾事出不意遂致人言方在申誣胡遽淪沒部

音忽至良可悼歎宜加卹恩賜以諭祭九奏不味尚克承
之

武宗諭祭都察院右僉都御史東運文

維正德十二年歲次丁丑十月癸卯朔越十五日丁巳皇
帝遣山西布政司諭祭於都察院右僉都御史東運曰爾
發跡賢科擢官郎署明刑西部積有餘年出守名邦屢聞
嘉績載參蕃政茲著英聲遂由施寺之御晉拜都臺之秩
夙紀方期於委任急流中懸於退休既遂幽閑宜廣壽祉
胡然一疾遽爾長終追念柱勞特賜諭祭爾靈如在尚克
歆承

世宗諭祭兵部左侍郎謹真敬張珩文

維嘉靖四十年四月甲子朔越二十四日丁亥皇帝遣山西布政司堂上官右參政祝天保諭祭原任兵部左侍郎張珩曰惟爾志行端方器識宏遠早登科第簡任內臺廟儀敘遷旋佐棘寺薦陟都憲戴貳夏御晉秩臺端敬悉中外盡心邊事累立戰功終蒯家居方期委用云胡遽逝良切悼傷追念柱勞特頒恩卹諭祭營葬稽行易名爾靈有知尚其歆慰

國朝

聖祖 仁皇帝

勅命都察院右副都御史 于成龍

茲命爾巡撫直隸等處地方管轄紫荊密雲等關隘暨理軍務兼理糧餉駐劄保定府專理該管地方審核文職賢否擢釀刑名一切民事爾宜宣布德意撫安人民約束衙門員役使之恪遵法紀毋致作弊生事擾害兵民操練兵馬修濬城池調訪民瘼築戢奸頑其衛守備守禦所千總衛十總經管錢穀領運漕艇仍照舊聽爾統轄所屬地方應徵庫帑錢糧舊照戶部題過新定程例遵行曉諭仍細加體察如有司各官朦朧重收借端科派參差處洽嚴飭所屬察解逃入營理屯政河間府至通州一帶河道須管

各道屬州縣勸加疏濬使漕運通便長蘆等處鹽政並宜
廉訪煩於鹽政無滯又密雲等關隘不許擅立關稅優擾
商民嚴禁推賣勢要侵人田地兜攬種草盡耗軍需天津
一帶海口重地尤宜接環防備沿海烽臺設法嚴察不得
廢弛備造運艘製辦火藥器械如地方寇賊生發卽會同
總兵官計議統率將領戮力擒滅務盡根株凡地方利弊
有可蘇息民困振飭雅新者逐件條奏請旨施行地方備
備之計如常平社倉等事責令有司力行備舉境內逃丁
荒糧黃成道府轉行有司從實察核造冊開報應蠲豁者
一面曉諭招徠勸課農種聚築濫徵侵占使民入樂業兵

容有司將現存人口概派包賠以致重累黎民所屬司道
以下各官果有異心任事廉能著效者卽據實舉薦如粉
飾欺偽貪賂殃民庸懦溺職者不時參奏到將以下武職
聽發節制并該管防守地方勦禦賊寇提調兵馬舉劾武
職賢否一切軍務俱會同總兵官行如有武官騷擾地方
攪害良民縱兵搶掠及隱匿賊情不報等事聽發會同總
兵官糾參從重治罪勅中開戴未盡事宜聽發詳酌施行
年終將行過事蹟及兵釀毀糧造冊送部察考爾受茲委
任煩持廉秉公殫心竭力以副委任如怠玩廢弛貪贖乖
張貽誤地方責有所歸爾其慎之故諭

御製詩賜直隸巡撫 臣于成龍 并序

直隸巡撫于成龍秉性臨機廉介夙聞朕心嘉賴俾典節
鉞保釐畿輔維能激濁揚清始終如一清潔之操白首猶
勵真國家之可重人所不能也茲來陞見爰賜以詩用示
鼓勵之義且以風有位焉

自昔崇廉治勤思吏道澄郊圻王化始鎮鑰重臣廣政績
聞留獲風期來飲冰易哉貞晚節 命日欽承

勅 命兵部尚書兼都察院右副都御史 臣于成龍

茲特命爾總督江南江西等處地方軍務兼理糧餉換江
駐劄江甯府居中調度宣布德意收拾人心嚴飭文武官

吏修濬城池簡閱器械稽查奸宄查解逃人設險固防修
理戰艦操練兵馬裕饋核餉惟賞加罰弭盜安民一應職
守機宜悉聽便宜區區誠諭文武將吏共圖保障該省巡
撫據督等官聽爾節制如有賊寇生發卽應相機方略督
率提督鎮將等官戮力勦滅毋使滋蔓仍申明紀律禁約
官兵使所通地方秋毫無犯賊若悔罪棄戈真心歸順者
率與招撫安插依山據海要隘不服者設法招撫務須區
處得宜如招撫事體重大奏請定奪內地小盜嚴責各汛
防官及州縣衙所印捕官員緝捕有隱匿賊情不報者卽
行判參從重治罪如有續投文武各衙門充為探員吏役

暗通賊情及潛出行動者其滋收官員不分守土駐防利
拿重處大兵出征往來境上領行各該有司將糧草船隻
預先備辦應時支給毋容州縣衛所橫徵科派苦累窮民
該省官兵各有統轄爾須與統領官及巡撫提督等官計
議而行有不法擾民者依法處治駐防滿洲兵丁如有擾
害百姓妄行生事者爾會同該管官審問嚴行治罪軍資
糧餉應行支給事竣察核漕糧船隻沿河撥兵護送毋致
疎虞其兵馬實數向係道臣查點今停其查點爾督同提
督選擇武官內廉幹者查點如有虛曠卽行指參有與各
督撫相關者必會同酌議施行鄰省如有兵事務會務須

撈角東廣爾猶頃正己率屬所統文武大小官員必常加
申飭令其約束衙門官役俾一遵法紀因敢作弊生事擾
害軍民用兵之際稽遲糧運誤軍機或臨陣退縮殺良
冒功及稽軍剝民侵餉肥己者文官六品以下武官四品
以下會同巡撫提督以軍法從事巡撫提督鎮守等官現
章參奏擬旨處分所屬文武官員一秉虛公嚴行甄別苟
實心任事廉能著效者卽據實舉薦貪殘庸懦則降黜
重則奪問具疏奏門興利除害有裨地方事宜勅中開戴
未盡許便宜區處爾應茲重寄須持廉秉公據忠殫力俾
盜賊屏息地方甯謐斯稱委任切因循怠忽或處置乖方

政擬重地黃有所歸而其慎之故諭
聖恩顯賜用江總督諡清端 臣于成龍

高行清粹

感仕甘棠隨地隆用江濟節至今傳

製太子太保兵部尚書兼都察院右副都御史總督江南

江西等處地方軍務兼理糧餉操江諡清端于成龍碑

文

朕讀周官六計弊吏廉善廉能廉敬廉正廉法廉辨吏道
厥惟廉直哉朕用是審觀臣僚有真能廉者則益以重寄
錫以殊恩所以示人臣之標準也爾于成龍秉心樸直莅

事忠勤而考其出平廉而尤著以故屢加特擢爾朕親裁
蓋授自庶官之中游授節鉞之任爾能堅守夙操無爾始
終古人脫粟布被或者嫌於矯偽爾所謂廉本於至誠聞
爾之風可以興起乃不然遺忽焉奄逝日者董方案史南
及江表採風謠於草野尾蓋路之誣思清德在人於今不
泯惟爾之廉天下所知朕俯合輿情載哀勅節考右副實
諡曰清端葬祭以禮又晉之榮秩賜予有加恩錫爾子於
載人臣行已服官事主之道爾可謂有始有卒者矣顧不
可以風世也朕東巡二十四年三月十五日
諭祭兩江總督諡清端 臣于成龍文 二道

朕惟國家敷治簡賢道先保障人臣奉公委最節重清勤
 苟曰知之克嚴厥終身而弗替寵褒宜貴恩卹用昭爾于
 成勉志為臨誠誼敦貞介萌厲民杜幸著樞聲既懋旬宜
 彌彰令績是用畀以節鉞綬乃邦畿爾克撫字雅勤苞苴
 盡絕迨兩江邊鎮一節周渝取下則大革貪風勵已則寒
 同儒素雖古廉吏曷以加茲迺倚任方殷遽溢為滄逝珍
 懷良惻異數頻頒於戲慕然官舍竟播石之無存煥以輪
 章庶泉臺之克慰茹芳在御尚其敬承

惟爾苦節克典鞠躬匪懈真一介之弗取越數官而彌堅
 奄忍云亡能無憫焉於戲清風未遠長存表德之恩寵卹

重頒丕著旌賢之典爾靈不昧其克敬承

製詩賜四川布政使 臣 于準

偶成五言絕句

石岸寒芳靜料陽柳色邊探寒意獨遠魚躍在深淵

製書額賜江甯巡撫 臣 于準父贈光祿大夫 臣 于廷翼

招德貽謀

一經式訓光先業屢錫承恩格從臣


製書額賜江甯巡撫 臣 于準母封一品夫人張氏

壽懷恩永

製書額賜江甯巡撫 臣 于準

數惠窮人

惟澤三吳滋化雨節施再止繼清風



永甯州志卷二十六

奏疏

請蠲直屬衝壓地糧疏

于成龍

請蠲水衝沙壓以廣

皇仁以聽民累事該臣看得直府所屬西城與懷安蔚州
等衝邊隅土瘠逼近乾等河有水衝沙壓地畝小民
包糧為累經前撫臣金世德於康熙十四年十月內
具疏請豁部覆以恩年蠲糧俱係報完不保未完拖
欠仍令照舊徵收在案但查糧從地出地既種荒而
恩年蠲糧仍報全完者是皆小民竭盡脂膏以包賠

者也。自部覆之後，又歷五六年矣，除積有可整者已，陸續勸民墾種外，其實實衝壓不毛之地，人力有所難施，竟覺小民包種年久困苦，益深漸至微比不前。嗚呼！其慮在地方各官，莫不以考成關切而無術彌補，屢以未完開報。是前撫臣稔知其累累以時值軍需孔亟，數年來未得卽為履請，故於伏地蠲留之際，猶慙慙以此為未了之餘哀，而遺疏乞蠲抑邀

聖德也。臣履任後，廣諮民瘼，復檢閱舊案，乃知宜屬窮黎之累害，莫過於包納荒糧。是以檄行查勘，茲據守道參議董秉忠詳稱：口北道李如桂公同廳衛各官逐

處勘明懷安衛實有水衝沙壓地一百九十一頃二
十一畝，蔚州衛實有水衝沙壓地三百一十八頃
二十三畝，張西城實有水衝沙壓地三百四十三頃
六十畝。又東城地方亦有水衝沙壓之地，緣從前
勘量水過沙流，勉力墾種，以寬正賦。是以十四年來
經開報，乃年來衝壓益甚，耕種無期，故官民激切呼
籲，亦經口北道親詣勘明，實有荒沙地九百五十五
頃二十九畝。參取有該道羅衛印結并造冊呈送前
來，臣思民之有地原籍，所產以資生，今地荒而糧存
不特無以資生，而且以為害也。邊徼窮黎，耕力幾何

矣堪永遠也賠此數處之荒種一日不除則數處之
民生一日不遂雖曰今所擬未息需頗尚殷但逆氛
珍滅殆盡唯遺款項餘孽指日蕩平此後軍需似無
虞於不足而合計四處荒地本色糧不過三千餘石
銀僅一十餘兩免之則涸滴之損似無關於國計而
數十餘戶貧民得免包賠實受惠於無窮仰祈
皇上特沛洪恩准與豁免俟水乾沙退之日勸墾輸糧庶
荒邊僻壤之民永甦其累頂感

皇仁於生生世世矣既據該道呈詳前來除冊結送部外
理合具題

請寬並案處分以惜人才疏

並案之處分久定不敢違請從寬人才之淹抑可矜
持身約陳逆變以致罪愆因之旁吏事竊茲並案處
分定例內開道路村莊被劫將來縣州縣印捕官併
捕並同知通判住德文到扣算限一年縣拿若限滿
不獲降一級調用又兼轄道官罰俸六個月限一年
催糧限滿不獲再罰俸一年等語此係已定通行之
例何敢輕議變更第直屬之並案與他省迥不相同
直屬圍攻之區民無恆產既粒粒流汗非為而又旗
民雜處乘為挾矢呼羣引類豈可稽查紛紛申報失

事幾滿虛日故監司雖印尋官求其與盜案脫然無
果得與陞轉之例者十不能三四其間豈無廉能素
著之員可期大吏者而一官疲劇之區此案未獲彼
案又起一案半完數案未獲甚有一日而失盜之案
數家經年累月攬盾莫舉始焉未嘗不勵精求治洵
弭之計而無如飄忽兇徒楚劫不時積案多求降罰
隨至灰心進步無計自拔以

朝廷所用之人才而皆以盜案沉溺蠹蝕去任殊可惜
惜巨目擊淹仰及員不得不至

積積為變遷也除城內被盜行劫各官仍照定例處

分外其道路村莊失事在州縣身在地方既不能消
弭於未行權不能緝拿於已劫責無可緩一年不能
緝獲降級調用尤宜但原失事之州縣既降級去任
接緝之官事不切已恐未肯賣心搜緝則強盜反有
漏網之弊合無將州縣官於一年未能緝半

題恭者降一級仍留原任職化匪案緝拿若於已恭謙
處之接有能續獲一半以上仍許開復還其原降之
級是於懲過之中寓以勸勉則各官不固去任驕心
咸知自奮必能悉力擒拿不致強徒肆免也至於薦
舉單異行取官員乃

朝廷超拔人才之典而亦督撫諸臣置其以人事
君之義但有才守兼優堪膺斯選者每因一二案未完格
於定例而不敢輕列薦剡致使遠大之器困於百里
深歎可惜前見江甯撫臣慕天顏為請

旨行取事一疏將有未完錢糧之知縣林象祖任辰旦

題請行取欽奉

特旨俞允仰見我

皇上憐才之殷初未欲以成例限人也直隸盜案之多與
江南錢糧之繁事同一轍其中非無品行卓越才具
優長如林任二令者倘邀一視之仁

將開破格之舉適蒙舉

大計及行取之期臣將其知灼見確有人才守之員不
論盜案之請否一體著揚以備擇同庶真才不致於
淹抑而

朝廷可收得人之實效矣再查捕盜同知通判雖專司
緝緝之任但所屬有十餘州縣及二三十州縣不等
既不能分身經理又無由遍歷搜拿竟同各州縣一
體處分似屬過甚查武職議處之例十把等官專專
汛守備等官為某轄副參等官為統轄州縣印捕既
與武職專汛之員同一處分則同知通判亦當與武

職兼轄之員同一處分也比例更定則各屬員未聞
不致兼勉力者矣至督糧道員定例原止罰俸臣亦
何敢再為置議但於罰俸之外停其陞轉限年釋職
今求糧州縣典同知通判既請量輕處分而道員所
轄地方遠闊一歲之內有失事數起至十數起不第
悔陞之哀老校接續竟無銷結之期故直屬有督糧
責任之道員欲與推轉之例終不可得臣思方面大
吏或出京官改換或因外吏陞補歷任既久率多練
達之才及其年力精壯正可矢圖報効乃全因糧一
職無復進階之期更為可惜况督糧與承糧原皆不

同在承糧州縣等官固應停其陞轉限年釋職而督
糧之道員既已罰俸似可免其停陞輕重區別之間
或亦上下之體統宜然若夫武職副參等官則又視
文職之道員稍尊所當併請一體變通以昭畫一之
則若也緣係協儲人才起見故陳末議伏祈
勅部議覆施行

請留徽州六太三營疏

查得康熙十三年饒逆變亂以後所在煽動前督臣
阿席熙於要地之綱縵務早等事案內將江甯將軍
下各營開甲兵糧一十石以六百名補入徽州營以

四百名補入六安營俱裁去參將改設副將又太湖一營前任江甯撫臣馬祐為汎廣難以練理專事添設右軍守備一員專管江南汎地俱各奉有

俞旨欽遵在案今康熙二十年十二月二十日恭逢

恩詔欵開軍興以來添設綠旗官兵應行裁汰者該督撫提鎮詳查題請裁汰欵此當經前督臣移會撫提諸臣并行徽州六安太湖三營酌議裁汰去後據徽州營副將姚宏信六安營副將周于仁太湖營遊擊李鳳翔等請將原補官兵仍舊留用並准安徽撫臣咨覆相同臣查徽郡東聯德平樂興而接浮深倒河帛

處萬山之中層巒疊嶂最為奸宄出沒之所臣檢閱舊案如逆賊王跳鬼及饒逆侵犯之時悉因三省運界汎廣兵單不敷防禦以致小醜恣逞此前督臣所以改設副將添佈重兵彈壓也又六安一汎縣互數十餘里與湖廣黃麻等處相接實為江南西陲重地臣前任黃州府時剿撫東山逆孽何士榮等思觀江廣形勢但見英霍二處山深谷遠伏莽堪虞非安設重兵不足以捍此巖疆前督臣早已見及此也今二處官兵佈置周密地方稍稱平靜正宜安愈圖安矧釋未雨若拘於軍興以擬添設之名而裁此險汎之

兵將臣恐不軌之徒伺隙思逞披時再議增兵空懸而地方已不勝其驚擾矣臣謂徽六兩營官兵斷斷難以議裁伏查部文與

恩詔內議裁官兵似指有事省分題設重鎮而言至於徽六兩營原從地方險隘起見且十名之兵又係通省各營開甲較於他省額外添設者不同若夫太湖一汛臣自閩地赴任直省經由其間湖面廣濶一望無際港汊叢雜柔翰盜藪該營添設右軍守備一員專司江南汛地誠為營制起見更難與軍興後所添官兵一概而論臣以事關封疆重務不敢膠執已見隨

又備商昭武將軍等議覆臣同是以譯陳應讓將前項官兵照舊留用臣非不知裁兵即以節餉然與地方許久遠則亦不得為

朝廷惜金錢又何況三營所堵之倭餉尚有額內應給之原款乎相應仰懇

皇上俯念徽州六安太湖三營皆係山溪險汛積補官兵准其照舊留用永垂經制其有益地方誠非淺鮮也特薦江蘇藩司疏

竊惟論人按官固當就才之短長以分繁簡若就官論人又當按地之繁簡以定高下江南賦重役繁民

生澗散養以水旱頗仍洪德曰出官斯土者長才欲
覓勉而回頭無進步之階短才因積道而束手鮮聞
身之策案牘日見紛紜催科日見繁苛求其痛自鞭
策志期上達者且指不一二見臣等荷蒙

簡命督撫吳中入境後事親見其難朝既夕惕茹隳飲冰
上以期答

朝廷委用之重下以期慰生民樂業之望細事必出於
躬親勻水必凜於夙夜舉凡屬史公事進見多方訓
誨隨事禁飭嚴其守又察其所守之真偽勤其政又
訪其敷政之寬嚴莫不手相濯磨矢心釐剔未幾而

以盜案隆嚴者見告矣未幾而以道大落職者見告
矣未幾而以違限處分者見告矣在

朝廷乃不得不處之吏例在各官亦不能由逃之罪案
故由郡守以及有司問其官則竊不暇燧問其職則
整頓無心勢使然也即今

大計之典正以國官考績之法也

國家勳履之權所關誠非渺小而守令各官無一堪屬
斯選豈皆安自菲薄甘居劣乎地實限之耳况藩
司尚錢糧總匯數百萬之賦稅於此考成本省外省
之兵餉於此徵解大小屬員之賢否於此表率以亞

民庶之疾苦水旱之災傷於此嚴備核而賴賑恤其
繁苦百倍於郡縣其責任亦百倍於郡縣苟非才疏
謀庸氣堪百折鮮不朝受命而夕憤棘矣如江蘇布
政使丁恩孔愿任既久叅罰固多既不敢違例以入
卓異之列又不敢拘例以貶蔽賢之愆巨尋爲地方
人才起見敢合詞特舉其政蹟班班敢爲

皇上陳之外省之協餉江省最多此則刻不容緩者本官
自到任迄今解過協餉壹千叁百餘萬從無片刻遲
悞京口駐防五軍糧餉皆期解給卽遇災荒之歲
亦必設法接濟此其實蹟之見於軍餉者也用兵以

來江省前後奉造馬沙二船貳百餘隻本官權辦工
料竭蹶恐被閱楚江西馬匹弓箭及駐防蒙古甲兵
衣帽等項捐助製備下以絲毫累民此其實蹟之見
於軍需者也蘇郡舟閘浙咽喉軍旅往來更換船隻
連年絡繹不絕本官措置供應親自備辦往宿河干
不辭勞動此其實蹟之見於軍行者也清窪地勸開
墾共計陞科壹萬餘頃而公私樞便又清墾雜稅及
補徵田房稅銀貳萬兩此其實蹟之見於公帑者也
各屬起解錢糧親自經收不假手於吏胥批迴隨投
隨掣又飭行各屬徵收里民自封投權禁止火耗如

過吏校則盡行蠲撤使民力稍裕而糧餉不匱此其實蹟之見於催科者也獨修蘇州府學等處使寒生讀書其中資以膏火觀風所拔士於丁巳戊午辛酉三科中式甚眾又設立鄉約宣講

上諭十六條及申明六諭家喻戶曉此其實蹟之見於文學教化者也勸行各屬設立育嬰堂以育遺嬰并施棺以資掩埋發藥以救瘟疫此其實蹟之見於濟人者也至於居脂膏之位而不以賄聞處著華之地而不以侈著公私絕其請託出入嚴其關防尤其介性貞操矯然特立者矣乃以叅罰糾纏無由振拔不惟

本官之淹蹇任事及心凡勞吏之聞風亦皆短氣既不足以彰

聖明使過之仁又非臣等以人事君之美查前任撫臣慕天顏會以上海縣知縣任辰旦前熱縣知縣林震祖俱有積過未清特疏薦違業荷

皇上特允行取揭櫫拔擢之選候補清華之列今思孔之繁興難規二臣何止什百倍耶倘臣等隱忍而漫為姑置蔽賢之過與間私等臣等之所不敢出也臣等非不知藩司為錢穀之府思孔為誣誤之身特疏為出尋常之外不能不起人形似之議然而臣等之可

由極者心也所以親
直上者心也况臣等深荷

皇上格外之知不敢蹈知而不舉之罪且思孔行已入

觀筆下仰祈

皇上親賜詣訪其人之才能賢否難逃

虛照如果臣等所舉不謬伏乞

皇上破格擢用則立賢之典可以度越千古且使凡為臣

子者皆感激思奮以希

特達之遇其於吏治民生未必無小補也臣謹會同江甯

撫臣余國柱合詞具題

永甯州志卷二十七

傳誌

陶君廷用傳

明張珩

公諱璽字廷用山東威海衛人嘉靖壬辰由太學出倅石
州輒勸漕操董任涉吏明年父已大饑盜起據劉三輝一
帶為巢穴流劫汾嵐石隰諸縣邑上聞戶曹朱公授璽書
憲銜朱公入境慎嚴收託檄郡邑長吏恪恭職事一日賊
犯黃蘆嶺逼吳城朱公屬公率眾迎敵賊聞奔山上左右
欲止公曰不可遂身先士卒追至黑暗嶺合戰賊詐北公
曰當直搗其穴復追之不意前路賊夾伏兩山間持鎗突

出我家大漢公營部下關大則王天祐等六人引眾出死
戰力竭與大則等俱遇害公身被數十創時甲午二月念
三日也越旬朱公讓各路兵征勦底定逮繫賊首州獄公
長子化年甫十五持刀力刺不得死泣告母陳氏曰父死
賊兒竟不得報何以立身天地間具疏上關下議當道化
還隱念父老暴宜好母弟無依遂歸行至壽陽而卒嗚呼
痛哉嗣當道嚴賞以聞朝廷愜其忠加卹與贈公石州知
州鉅次子傳送致讓善公以州人之思入祠名宦血食無
窮傳欽除詹事府錄事尋遷刑部照磨慎守官箴其極位
甯可量耶

張珩曰公出兵觀望以爲進止可以不死矣顧知不出此
兵而卽退法必罰均死公之死何如耶易曰王臣蹇蹇匪
躬之故於公何尤又曰有子考无咎公可謂有子矣

于濟端公傳

陳廷敬

公諱成龍字北溪永寧人先世仕明者諱坦有聲宏治朝
官至大中丞父時煌里中稱長者明末盜起而礪里中聚
堡于公先隴傍形家者言堡成不利于氏公笑曰我里千
家保聚獨我家不利害少而利多堡當築矣堡成卒無害
公生而材智絕人攻場屋應舉之文中崇禎己卯副榜
國朝仕爲羅城令羅城秦桂林地故多瘴癘又狹穰頑黠

不可治性或由罷去公喟然曰荒徽皆吾民士惟國家所
使人生仕宦豈擇險易哉且羸城可遂無官耶單裝徑往
羸城無城郭廬室居人數家公屏在藁簞深箬間披草木
入得微徑插籬棘為門脯虎歎狼擲白晝行庭中陽陽穿
壤壁去公卽庭中果土為几案其傍置罍一釜一盃炊煙
併日召吏民來前從容問所苦喻以忠公敬上之義中全
行事吏民留爲言咿嚶與之語心耳墜絕公解析警曉神
色慍易良久留欣然拱聽既去則據案讀書以數錢黃惡
酒獨酌醉則隱几而臥或竟日不冠履既數月吏民樂公
坦懷益樂就當是時西粵數叛服羸城民皆竄山谷而羸

獲與大逆相仇殺民既失業則阻險爲盜他令或飾或規
利民並疑畏不敢前公至則悉除諸禁樹撫綏氓誠意憐
惻感人人皆自至以田賦親輸公手或屬數錢置案上公
問何意曰阿爺不要火耗不謀衣食蠶酒亦不買耶公感
其意爲區數錢計得酒一壺而止民益親愛因與朝夕問
地方利害悉得其要緩編置保甲約束徂民並留屏跡先
是隣徭殺掠稅人畜歲二三至以爲常至是鼓勵鄉勇將
進擄其巢穴大震懼自誓不敢犯界上歸所掠人畜夫然
後民得安居盡力於耕稼之事矣每春時命兩織屏竹兜
行田野中見力耕者輒呼與語相勞苦民知公來留車婦

子環公羅拜或坐樹下與飲食笑語歡如家人嘉其勤而
獲者愧其惰而苑蓋者民大勸海東穗被野牛羊滿山公
以其暇日增辟浚隄招民入居新築室者公手書題額或
門額以示笑異立學宮教民其中能讀書應舉者免徭役
民俗和輯獨數大姓者又將不為下其人留號總戎僕伯
嘗指揮及吏恣為殘虐公曰此曹向醫倚恃強種盜賊為
之爪牙一逆其心則立致亂變是故他令多置憲阿忍之
今吾威令已行民服禮教此曹可令終不檢耶會一大姓
執其權予公屬置之死公訊當與杖規之已杖矣因怒謂
爾既歸之官則有期廷法在何得擅自先刑藐官蔑法乎

比之跪絡杖下之獄大姓大恐叩頭謝死罪終時始得免
公乃勸陳順逆禍福之理遠大感悟自是數大姓爾步法
以公事至者望羅門販粟項糧無復與梁築營於公庭之
上者及三年政成臺使若勅考中全以羅城為法公乃牒
上寬征徭賦謹引諸利弊所宜興罷者行之民敬愛如父
母焉公自來羅城從僕數去二僕病不能去旋亦留死
羅人憐公每晨夕視問安否間飲金饌馳送云知阿爺苦
我曹供些少糧米費耳公笑謝曰我一人何須如許物可
持歸為甘旨奉汝父母一如我受也家快快持去居數年
家人來羅人則大喜奔謀庭中言阿爺人來好將物安家

去又進金錢如初公又笑謝曰此去我家六十餘里單人播買適為果耳揮使去求留伏泣公亦泣卒不受丙午秋試辦事外廉公布袍數浣破被如蟻一蒼頭從眾發官居吏服威飾儀從效好公文敝垢藍縷者曰必羅城全也諸吏之大吏夙聞公名指衣敝垢藍縷者曰必羅城全也諸吏人相相顧愕眙於是大吏委公以試事使專督之事無不精當者因與極論時事所宜及古今成敗是非得失之跡公振聲抵掌詞氣激昂語有倫要大吏甚器重之交章舉公舉其在羅城七年遷知合州公復陳十事上幕府或為公行之去羅城羅人遮道呼號公今去我懷無天矣追送

數百里哭而還一眇者獨留不去公問故曰民百星卜度公囊中貲不能及千里民技藝可貴以行也公感其意因不遣去會遭雨糞盡竟賴其力得運合州州頭三縣合計纔遺黎百餘人正賦十四兩而供役繁重不支官有騶從之費公盡除習弊盡一蠲焉以救僕由隨府帖下取魚公曰民脂膏竭矣無憐而問者顧乃欲漁吾漁吾安所得魚乎卒不與府中魚因極陳荒殘疾困狀郡守笑謝為裁革十餘事公念合州民多流亡往時新蠲澆戶便即力役而墾田既熟土著訟而爭之以故集者復散公嘗論區畫田廬牛種官立案籍復三年而後同新集者既知田業可恃

為已有而復無征發倉卒之憂遠近悅赴旬月之間尸以
十計未幾用前舉異遷黃州同知分鎮岐亭岐亭當黃麻
備界地及以湖幽壑盜所窟集時急盜案官文法頗繁長
史至謀忌不敢聞盜盜反持長吏所忌白晝行劫莫敢何
問公捕得九人集諸父老謂之曰此冒巨盜彼特捕檢上
解則牽刑官吏長短往往得脫今以示諸父老有能保檢
不為盜者吾將賞之否則盡吾法諸父老願以身保者二
人立命銀鐺駢首繫七賊即諸父老前為坑坑之盜自是
警匪嘗草笠蹇驢撒行村堡以周訪山川要害閭里之情
備黃大盜黃以捕盜自贖捕輒得無脫者四方亦畏若無

黃賊自接以恩權延問利病咨訪人物是以所與舉悉中
人黃州境壤益益東土矣攝漢陽黃安通或事留先絕
又耗餉保甲所至輒著其跡守益固危苦惡衣蔬食以
圖民之急延撫張朝珍雅重之特以車馬開會漢逆亂作
撤攝武昌事問策亂之策公對以安人心莫先停撤永時
朝珍草疏欲奏公意與合以故凡共事留公以辦公悉
意摩畫羽書交馳師旅雲集軍資億萬皆咄嗟而具悉少
憑依禁旅固敢指問公立置之法白大將軍申明軍令甲
士十餘萬擁公忿謀公不為動詞警理解神色抗厲知公
不可奪留徐飲去武謀得武昌大姓與賊交通指藏器仗

爲證朝珍救登兵捕呂公公言自降營以來武英瑞巨叛
多蓋望避兵皮子湖中救人藏兵械以備他盜不若遽加
兵人人恐足跡之果區他公之鎮定知大體之此類也用
車吳遷知建甯朝珍奏改武局時逆賊陷岳州長沙我師
進勦取直蕩圻朝珍撤公徑造軍所渡橋賊鋒迫近蕩圻
人潰營城郭燬公入城嚴斥樓戢逆兵招集居人城以
不墜逆我師岳長之徑旬日成橋山水暴漲橋復壞公以
此去職會東山亂作朝珍獨公極知君勞苦然非公莫能
辦賊公曰國恩至重公知遇最深敢辭艱乎但黃州東連
廬皖北接光固據三省形勝控制七十二寨其人剽悍善

關阻險跳梁難以猝勝若公見委須便宜行事方敢受命
朝珍大喜自起酌公曰君肯任事吾無憂矣勦撫一以聽
君需兵幾何公曰賊眾我寡兵多適資亂以前守蕩圻數
人與俱足矣遂嚴裝以行初東山之亂也妖人黃金龍詭
言得天書實刺來往與黃山中煽惑愚氓匿蹟黃麻劉君
等哀君等熟讀及唱數收召亡命亦數數能擒獲盜賊守
金多其能每撫所用之公鎮岐時君等亦嘗居門下後得
漢逆偽劉遂與金龍潛結河南江西諸渠魁私立將帥家
號十萬約以七月起事會有人欲登之君等恐事泄遂以
五同盟反於曹家河黃守將王東臣率所部兵駐興橋尋

麻城令且報奇率鄉勇駐白果約日進攻君孝夜遣七騎
斫黃岡營樹勇亦自潰還保麻城賊勢甚張而諸盜所在
並奮起公行次陽邏偵知君孝蹤反以眾未合猶豫持兩
端遂策銀抵白果距賊十里止宿榜示勇從者自首免罪
經陷者即赴訴過三日以從賊論於是投訴者日十計公
皆宥之賊勢大孤君孝及其黨素服公恩信聞公未嘗莫
有圖志故即降恐見誅惟擁眾自固公度君孝倉猝反其
眾未聚可就擬若旬日黨合則難圍矣遂命白果鄉約一
人持檄往布太守來持以不死之意度已至賊所公則獨
騎一黑羸一蓋一繩與二人徑趨賊寨未至二里許命鳴

鑼前導者行呼太守來救爾山中人君孝不虞公自來倉
皇匿梭山全數百為餘弩矢夾道伏望見公皆斃火控弦
擬向公公不顧直前賊亦卒不敢發至寨門門闕公入舍
下羸即廳中生眾賊環列其懸者率眾羅拜公問老奴安
在老奴君孝也以舊居麾下故易暱之眾云暫出頃可至
矣又詢湖間山中今歲雨晴水漲若何若良民何作賊取
屠戮耶時踏然若父母妻子匿何所得無苦乎眾皆泣公
曰熱甚煩少憩令賊齎脫鞵取水飲或支榻揮扇餘四圍
端立公熟睡鼾聲如雷賊驚莫不知何為棧時寢又譴罵
君孝老奴何為久不出豈有客至不設酒脯者君孝初意

公必以兵來且懼恐裕故深自匿及見公推誠無矜趨出叩頭訴所以激變故公為開陳利害順遂許以招撫約日而還至日盡師其眾數千人其奔數縣俱解嚴期珍上其事於朝再命公知武邑期珍檄公匡麻城公親慰村落度地形所宜分立區保籍其區之有勇力若火器器械者為隱民以懲者長之曰巡警而集蹤蹟疑者區長自逐之容為用秋七月經畫有楷行還武邑當是時金龍區君孚所君孚既無所用金龍因繼之巡與紙棚河賦鄆君由合公次岐亭移檄東南區長得二十人率門下諸生數人督兵

進討駐望花山君申初謁公已遣武昌今忽聞以兵來大驚退保山寨公眾賊新反未糧食少利遠戰而我兵驟集攻之不如因之乃分軍置其三面定賊走必徑黃岡為鞬山故不守而陰伏兵險峽間君申金龍果糧絕夜走為鞬山遇伏盡擄公坐山上受侮金龍總急欲以賊將匿公手劍叱之將不得施遂斬其首捷至武昌期珍持露布示察屬曰人謂我不應用醉漢今果何如公酒無量嘗為簾官與大吏抵掌論事時錫公公飲既數十巨觥露憤控袖蛇類瞋目而語吏人皆竊笑公酒狂及往東山或以為言故期珍云然也疏聞晉叔八月調守黃州時荆岳兵事急公

外輸供糧內靖遊兵郡樓以寓十月江西賊犯湖口虜掠
 興寧斯州或蒙又項逆密布偽劄書湖北地復大亂陳勝
 葉合逃兵掠驛為反陽邏何士榮反永甯鄉劉啟業反石
 坡用鐵爪蛇其虜反白水販各擁家數千人號稱十萬逆
 連湖口寓州諸賊約以十月上旬取黃州逆及武昌漢陽
 高山大湖烽火相望城門皆晝閉墟里寂無人各鎮援兵
 悉隨大軍進攻湖南黃州餘吏民才數百人至不能備關
 柝讓者欲棄黃州退保麻城公曰黃州為湖北七郡門戶
 我師屯荆岳者數十萬水陸轉運取道於此且瀕江而城
 控制阻險前倚興甯廬阜後壓天堂金剛諸寨實東南關

鍵繹此不守則荆岳有疲顧之虞七郡成瓦解之勢所繫
 非僅一城已也吾誓死不能去此然吾坐困以待不若相
 機逆勦猶可僥倖以圖存賊勢雖眾吾取士榮逆止若先
 破士榮餘可不賊而下於是檄各區鄉勇又分守山隘令
 逃民不得入合賊別遣黃岡令李樞攻攻鼎業擒其父子
 陽邏平十一月二日奉諸法及更卒二十二入前逆時斗
 夫長百丈長李茂昇羅登雲吳之蘭以所部來會各區長
 積公檄皆感憤灑泣厲鄉勇以同仇之義漸次驅蹙得二
 千人於是立什伍標旗幟號令明整卒如素習部署甫定
 謀叛士榮已據黃土劫公道登雲偕武舉張尚聖以備師

杜慎前率大隊遂發七日尚聖等遇賊前鋒與賊小群
公疾馳抵尚聖營取見公未歡味請賞公無以應惟用言
語意氣相觸賊勞求或泣或泣益增下春鄉勇大集有眾五
千人屯宿金寨下與賊對壘八日黎明士榮賊數萬自牧
馬崖分東西兩路進攻我師賊皆手揮紅綠皂旗照耀山
野公著舊絨衣正馬仗劍營門立見東路賊少命登雲
率十人禦之自以大军當其兩命尚聖攻右之蘭攻左公
衝其中堅賊崩舍之蘭中鎗死賊關益急礮火如爆豆著
處皆穿左右勸公益少避公叱之曰今吾死日也敢言退
者斬我軍見之蘭死又被傷者眾少郟而宿金寨被民素

為賊誘見我軍紆數掌謹繅袖出小紅旗相摩麾公見勢
甚急鞭馬徑前迎顧茂具曰我死可歸報張公茂具恐失
公急發一矢竊其大旗我軍少進茂具為被創創茂具步
射殺三人鎗洞衣甲棄他馬以遮短兵相接復手刃數人
而尚聖自右山繞出賊後我軍急擊盡奪其旗賊遂大敗
士榮手長矛殿後左臂斷猶力戰陷泥中遂被擒登雲擊
賊東亦並奔數十里是役也斬賊數千山谷溪澗溪水盡
赤獲軍資器械無算禮送士榮於朝珍公得賊名籍立焚
之眾心以安乘勝進至呂王城茂具等欲少息公曰白水
石坡諸賊本以士榮為盟主今士榮既擒諸賊膽落皆甲

度趨將出者解所獲破竹之勢不可失也若塔爾善刻賊
據險致死兵時諸營才午收公弁盡覆其釜以進據鞍草
撒有能擒賊來獻者重賞投誠者特以不死爲從而歸者
但閉門坐家無軍器者卽從賊概不追問身無鄉勇印號
家藏兵仗卽良民亦誅死於是諸賊聞士榮被擒大悔懼
及得撤書又知毀其名籍一時解散略盡卽至白水販鐵
爪世庸等尚有親兵數百人欲保什子寨公已令人死守
隘不得上脫身走君身十一日軍定惠寺遣追蓋擒之而
石坡等賊亦皆平公駐黃市撫賊軍民東山大定散各路
鄉勇歸農勒石黃市旗亭間旌師而還自出軍至是僅二

十四日以鄉民數千破賊數萬不費公家粒粟不煩師旅
捷手奮身摧鋒陷陣而奏膚功此近世所希有也當此時
荆門岳湖烽火相望對壘連疆耕戎交跡內患既消邊圉
孔固公之功在天下而不在一隅也十四年春湖南兵火
不解公於征敵轉輸重紓民力而行間所需物用器什文
撤橫飛旁午絡繹公獨躬自購造不做胥吏省民費以千
萬計嚴飭屬邑禁養耗絕私派愾誣告杜饋遺以其隙招
致文學之士講論經學興起廢墜人若無兵似大饑發糶
賑卹廣募輸積嚴冬冒雪計口授賑全活數十萬人十五
年水旱薦臻訛言復起公獨人心易撥宜示以暇豫與爲

鎮靜修治赤墾亭樹日興文武察吏曠缺欲射其聞士民
相與慶曰我公如此吾屬何憂又以秘計擒奸姦細搃定
光黨流釐頓惠會丁糧毋考夫人憂士民數萬人伏撫寧
轅門號眺備區州撫亦心知公不可去疏請奪情公勉起
視事十六年制撫以斯州上接荆武下臨潯英南連大治
輿國東鄰宿松太湖水陸要區委復江防道以公爲之三
奏而報可公規復沿江墩戍繕治賊艦練習水師計禽偽
官渠盜江境肅然十七年遷福建按察使士民請留不得
朝珍曰公去失吾所憑公條便宜十餘事奏五兩小舟萬
然去楚去之曰斯黃及旁郡人沿岸遮送至九江者數萬

兩天閉馬一匹既數日

上御製詩一章及 御書手卷命閣臣宣賜 山陵遷逆

關賜鞍馬一匹馬

上所乘也蓋自是隆禮異恩不可殫紀惟

上知公之深故尤重之如此是年冬滿歸葬母夫人得俞
旨數日 命總督江南江西軍騎孤裝如赴羅城時方公
之節制兩江也初被 命卽已廉得阻醫數十事比至則
揭之通衢數舊除廢吏大殫隱囊舊弊神明洞察如親自
目覩黑吏日數十驚出見白髮憐軀長者輒瞻落調爲公
微行公亦數微行以實之微鄧邑條具便宜留爲興樂郡

邑吏無不長愛趨令商中風俗素俊麗厚自奉美服游冶
 聞公來公如留乎衣布褐布褐履屨貴而威矜毅文牘公
 知人心斷即於善遠專用德化誨導之凡文議爰書留手
 自批勘第其甲乙以示褒貶自雞鳴至夜分不休寢食為
 廢或勸之少息輒曰吾非不知食少事繁養生所忌第吾
 愛國厚恩兩江官吏多至千百何可盡劾耶所以為此
 者冀其見聞知警歸於廉慎吾雖盡瘁國家所得不已
 多乎性善飲至是累月不一醉嘗中夜苦飢索少米作糜
 不得遂笑而起視事達旦時上下脫遺都絕端午日遺視
 察吏無敢以餽餼諸節物相饋者童孺攜金錢過市門皮

易而退無敢欺吏民安恬有歌笑而無管絃有醉飽而無
 羞錯商販輻輳關市流通每令出父老扶觀有饋之妻
 涕者公之清嚴忠直勤勞國家利濟民出者大較如此
 二十三年春被命巡海道護理安徽江蘇兩巡撫印回
 月十八日晨起視事未出戶疾作召諸司語不及家事端
 坐而逝至夜漏四十刻坐不欬倚顏色如生前六十有八
 將軍都統察吏來至寢室習見牀頭散筭中惟縹袍一襲
 鞞帶二事堂後瓦甌米數斛鹽豉數器而已無不慟哭失
 聲士民男女無少長皆巷哭罷市持香楮錢曰至者數萬
 人下至菜傭買販色回番僧亦伏地哭盡夜公鞠獄多所

平反樹恩者多，雖位於賢，至是皆奉以來，擿歸士民，數萬人步二十里外，伏地哭，江干江水聲如不聞。公之得吏民之心，江東人謁數百年來，無能如此者。士民立祠於清涼山，如黃州之赤壁，云卦聞於朝。

天子震悼，祭卹有加已而。

上東巡，遷謁內閣，九卿詹事科道曰：「國家澄敘官方，首重廉吏，其治行最著，尤當優加異數，以示褒揚。」故江南江西總督于成龍、操守端嚴，始終如一，朕巡幸江南，延訪吏治，博採輿評，咸稱君官清正，為今古第一。廉吏應加褒卹，為內外大小臣工勸其詳加議卹，具聞。於是集議加太子太

保證清端，蔭一子入監讀書。

上於公權意，或隆初終，因贊由公以來士之以風節著者，皆知慕效。公則宜爾公之為宰也，與公剛介沈毅，強力習正直，自持不少，同曲而臨事決機，應變無方。蓋其誠與才合，誠與力并，故所至能集大勳。而若全名為初，東山亂時，劉君孚為通逃，主黨羽甚眾，公欲用其力而實惠之，會黃金龍就擒，公與典衣分俸，得白金萬之眾，皆不平。謂君孚匿金龍，何反被賞？公曰：「金龍之擒，實由君孚密計。君等不知耳，其黨以窮，然又見君孚果得白金，不讓於是，益疑君孚實賣金龍，其黨各構搆，數去而公又因以縱，聞離其

親屬君手計亦窮遂鬱鬱以死其坑七盜也其魁初以賊
降將游傲每遊見公輒觴以酒肉慰勞之曰吾深知汝能
汝爲吾盡心擒盜吾黃羅旌汝一日又見賜之酒問羣盜
數名魁唯唯不盡言因復飲之竟醉矣出公微服伺之魁
意得甚與其徒大飲肆中出囊中籍愿指其名別其勤惰
或拙公悉親聽之明日召魁盛賜之酒食遂茲歡悖無所
忌懼大醉放意盡言諸盜狀公曰吾聞汝囊中有籍可取
視否置不肯出搜得之大小盜名皆具公因謂若此行不
可立於人世矣宜速歸曰小人從公復何歸公曰汝歸莫
壞耳乃惶懼言死由其分率與毋訣不許取篋中俸金一

兩俸寄其母立斃之公自得其籍按以籍盜無不得者公
賞曰人命至重上天好生自非獨察確訊若冤殺一人便
應以命償之故多徒步獨行或累蹇疾驅雜田夫旅人中
傾聽野籬村店撫牧童吏之官以是疑憐細事無不如厚
然燭照遣使往察事人亦不敢欺也而往往感願哀矜多
所減宥一日逮一盜盜殺賊甚公曰吾已知汝改行矣汝
傳語若輩改行與否官必知之實誅隨之矣賜以酒食放
歸一竊者公訊之曰汝竊也未至死汝所知某某皆巨盜
罪應死然能自新吾亦赦之今釋汝歸語若輩羣盜聞之
皆大畏斂跡一營并饋饗軍前其弟無賴子也久客歸而

是夜直突其懷遂執弟歸之官弟不勝拷掠因認服棘引
平日文游市井惡少十餘人問其銀皆用去獄具公道以
江防未嚴巡撫偶舉此事公曰無贓則案終疑且數千金
何得遽置乎巡撫曰吾固疑之今以屬公公承命秘其事
不登越二日引取囚至略訊即釋去復巡撫曰江夏盜案
無一人實者問囚在何處公曰盡釋之矣巡撫大驚恚公
曰囚被刑已極若再訊恐即立斃誠不忍其無罪就死且
上獻須得真盜強此屬何用巡撫問真盜安在公指撫軍
帳下一校曰盜主家也縛付公公曰取盜數曰可盡致也
既數曰果皆就縛賊在校家封識如故巡撫問公何術能

爾公笑謝而已他如此類昏神變不可測聞囚數十人當
斬公察知其枉白王王下其事獄詞六七反不決公度此
終不得即脫即取囚出坐之階下與飲食去極楷凡囚臨
刑給食脫械眾囚謂即死皆相對嗚呼忽聞傳語冤已白
全歸獲業乃驚喜不自持狂叫叩頭出血時滿漢吏方有
事至公署亦感歎兩泣由是羅織之風少衰當事聞囚已
盡釋亦無以奪之也公之釋盜惟善用人所蓄游撤及降
盜皆撫以恩威四方有盜此數人皆得來先白公帶聞擊
一布衣殺得盜名即投其中自巨賊偷兒蹤跡畢具探獲
中名勾捕無不得開府時裝已散左右讀去之公曰此裝

嘗恥益今以財食史未可去也公前言入見我豈好捕伏
疑有他術不知器古人戒法第因時進行以誠心求耳公
每論事輒稱曰上帝式臨或曰天監在茲蓋往往善寐與
神明通故其斷獄治事亦若神有相之者公既苦節好施
與每聽斷時民有當償人錢物力不能則倒囊代之償或
饑得俸多少悉施與不顧已罄矣惟一贏公出入所騎者
鬻之得十金施一刻而直公日食粗糲早晚更甚舉衣食
粥以少米爲之雜以黍糠炒令微焦屬之粥垂熟入糠屬
其中客至亦出此粥勸令依此法食冀得存餘蓄以濟
飢者客皆不能堪爲公強食之有膏梁子不下咽公謂之

曰貪苦士之常富貴人之幸今民不能糠糲而汝忍獨饒
肥甘乎若不節食及人吾罰汝眼飢矣時人譏曰要得濟
廉分數足惟學子公食糠粳公在岐亭公子來前及行暑
中有一醃鴨割其半與之時人有半鴨于公之譏先是公
每晨市豆腐二勸許故又譏云于公豆腐量大狹長公臨
餅割半鴨半鴨于公過夜錢五釐酒價何處指蓋公飲酒
每夜以半壺爲津楚酒半壺酒價五釐故云公軀軀修儉
紅頰隆準美髯鬚精神炯炯四映平居與人交不擇貴賤
設饌終日略不拘忌及當大事若羣議會據有所可否雖
王公大人不爲少貶性極慈易而御物整嚴賓客故人

時過存疑。食菜羹。言說。規不倦。或當歡笑。一語涉私。便即
正色斥訐。許諾更望。公威若頂。霜雪及論說。善皆親。靈類商
推務盡。事理以是。雖見。嚴憚愈益。親樂之。其喜怒。夜樂本
乎天性。得乎學力。抑此公嘗語人曰。人當惜福。爲子孫。留
餘地。布衣蔬飯。享受無窮。膏粱。煖。精實不鮮。有何可戀。凡
公話。言文字。單詞。片紙。指可以。感人心。挽。習尚。不悉。戴戴
其與友人。荆。曾。滿。書。書。官。羅。城。事。路。曰。廣。西。柳。州。羅。城。備
在山。隅。土。司。環。繞。山。如。劍。排。水。如。湯。沸。蠻。煙。瘴。雨。北。人。居
此生。還者。什不一二。土人有。猛。獠。矜。狻。之。種。帶。刀。執。鎗。性
好。鬪。殺。父子。兄弟。反。目。操。戈。恬。不知。怪。順。治。十六年。冬。初

入版籍。成龍以十八年之官。選拔。按。親者。不以爲親。故者
不以爲故。行。孝。蕭。條。次。清。源。同。年。王。生。言。人。所。其。入。懷。慨
好。義。反。履。開。營。講。粵。西。非。吉。祥。地。夙。知。成。龍。家。貧。尚。可。自
給。勸。之。勿。往。成。龍。時。年。四。十五。矣。然。英。氣。有。餘。私。心。宜。度
古人。利。不。苟。趨。害。不。苟。避。之。義。何。爲。也。俯。首。不。答。王。亦。默
知其意。揮。淚。別。去。抵。舍。別。母。及。妻。兒。典。贖。田。畝。得。百。金。攜
著。頭。五。人。頗。勇。壯。可。資。潑。行。族。屬。老。稚。相。餞。歡。飲。至。夜。扶
醉。就。枕。而。天。已。曙。矣。大。兒。廷。翼。爲。諸。生。已。久。猶。謹。樸。如。處
子。以。田。產。文。券。愿。愿。付。之。但。命。之。曰。我。爲。官。不。管。汝。爾。作
人。莫。想。我。而。已。拜。別。先。祠。不。覺。腸。斷。門。內。外。但。聞。哭。聲。不

復回觀此時狀氣直可吞狼狽而餐煙瘴也行及湖南冷水灘卧病頗速扶 陸行至桂林謁上官見羸癯伶行驚憫特異勸以善調治勿亟赴羅城抱病之人至是瞻落往日瘴氣不知消磨何所矣病幾危苦孽未盡不速死及柳州稍瘴尚不知羅城在何許也羅城與融縣沙輦連界行至沙輦遇鄉人緝詢之乃知對山卽是羅境登山一望萬草滿目無人行徑繞山都是營壘陣湯瘴雲慘澹苦霧淒迷回憶同年生之忠告不置也入縣中君民僅六家有漢壽亭侯廟支牀張桓侯臂後永夜不成寐明日到縣足無門垣草屋三間東斷爲賓館西斷爲書史舍中間一門入

亦屢三間內扉支茅穿滿因無牆壁醫從中求病不尙持一卧月餘從僕環向而泣了無生氣張目一視各不相顧無如皆孽未盡死而弗死凡歸無路扶病理事立意修善以回天意凡有阻弊濟窮登革自以分死一官而已命不殞累及僕從黃瘦如蠶盡陰鬼相對而泣其能救無幾何一僕死餘僕陷病或覓自付一官落魄獲何快諸僕無罪何苦貽累叮囑令各逃生一僕蘇朝卿仗義大言若今生當死於此去亦不得活棄主人流落他鄉卽生亦何爲餘僕掉頭不顧當時適詳邊苑久反之地一官一僕難以理事乞賜生還當事者置之一笑而已無何蘇僕亦死其年

逃僕歸家大兒獲免四僕來而三僕又前被隔死只存一
僕晝夜嗚嗚如風魔欲遣之則一人難以逃行且此僕歸
則子身更苦無奈其恩歸日切遂聽其浩然長往萬里惜
餘一身空死莫能自主夜枕刀卧牀頭樹二鎗以自防然
思身民與利除害實無一物強獲雖須無可取之資亦無
可殺之仇也事到萬不得已時只須勉強爲之申明保甲
不得帶刀攜鎗或違無犯閒有截路傷命無蹤盜情必務
緝獲隱昧矯事盡心推詳心得真實立時誅戮懸首郊野
漸次人心信服地方寧靜而上官抹訪真確於是苟大事
招擬解省小事卽行處決之通行羅城雖安而地與柳城

西鄉接壤共人祖孫父子生長爲賊申明當辜覲以盜案
爲難置之高閣竊自思漸不可長身爲民父母而可使子
弟羅殃皆平均集鄉民練兵親督勦殺推牛盟誓合力功
擊先發牌條路刻日進攻此未奉委命而擯兵自滿功成
亦在不救之條矣但蓄不轉身爲民而恥勝於瘴病而死
也果魁俯首乞恩講和擄掠男女牛畜悉送還仍約每年
十月犒賞牛酒敢有侵我境者竟行勦滅蓋擄人不畏殺
惟以刻皮爲號令而鄉盜漸息至是上官抹訪更確反厭
各州縣之請兵不已報盜不休爲多事也嗣後官民親睦
或三日或六日環集問安如家人父子言及家信皆絕悲

病如切已虞土疆武國三年必一反比及三年甚憂之
蓋人心相離不驗矣又云三年一小期五年一大期比及
五年又復無事而民俗婚喪之事亦行之以禮威之以備
疆域之治如是而已自數年來本非爲功名富貴計止欲
生歸故里日二食或日一食讀書堂上坐睡堂上毛頭赤
腳無復官長體夜酒一壺值錢四文無下酒物亦不用著
快讀唐詩寫但語痛哭流涕並不知杯中之爲酒爲淚也
回思同儕諸人死亡無一得脫興言及此能不寒心赴蜀
之日益勵前操至死不變此數年之大概也偶書寄以發
知己萬里一嘸余昔過上谷公自言一生得力在全羅城

蓋其澹泊之操堅危之節始終不渝老而彌厲者已預定
於此故余獨載此書以見公之志焉采見公時常公巡撫
京畿逆旅深夜執余手而語有知己之言蓋康熙二十年
冬十月也後七年公孫戶部郎中準從余游得公傳略及
軼事雜文掣掇而爲此傳

陳廷敬曰具時吾陽城楊公權京天下稱清白吏所首指
名者也予爲史官時陽城因侍御在京師京師一若蠶柱
未傳御家聞嘗讀語曰某不愛錢豈楊繼宗耶楊公去蠶
時三百二十年餘矣而蠶能稱說之蓋當時名聞天下後
世婦人女子猶皆習聞其名而尊美焉凡爲士者可不嚮

其乎哉乎。或遇言而心穢之。其後與衛之濟公周祚總敘
果公家極布政舉公恢迺數公者游數公天下之所謂康
吏也。臨晉人在陽城二三百里間。夫天下清白吏不易得
而論世所推白者乃獨及在於晉可謂或矣。乃今又得于
公子公之濟操牌烈章章如是。千百年下必有如老遜之
稱揚公者。可無以余文為也。獨是余公之鄉人也。既多賢
人之迭出於其鄉。而又嘗職在史官。親見聞公之行事。廢
名臣之烈。湮鄉先生之蹟。咎莫重焉。故次敘之。傳曰。高山
仰止。景行行止。雖不能至。然心嚮往之。余生賢人之鄉。而
志其操行。亦將以為取斯也。

白貞女傳

方淵如

白貞女者永寧東山村白元奎女也。許字同里宋振全之
子。養正為室時。男女尚幼。婚未有期也。一日養正逃。慙逃
不知所之。桂萼三年。音問闕寂。振全因子之。久不歸也。疑
已為異物。於是詣元奎而告之。曰。余子出亡。有日矣。君女
長恐誤其終身。不若改字。此亦意非君之背盟也。子其若
何。元奎聞之。似以為可。時有薛姓者。聞其事。欲求婚焉。女
竊父婚背盟。因取宋氏贖物一事。以不貳。且曰。兒生為
宋氏人。段當為宋氏息耳。胡可改耶。父母聞其言。直別字
之。議遂寢。即送女歸宋氏。方女之來歸也。姑已段。惟翼在

爲女事盡禮越數年內外無聞言嗣男設女踴躍營葬
費不足繼以典質而族戚之賻概謝弗受可謂循禮而合
於義其識有足多焉未幾女亦卒而養正歸里人高其義
呈於有司得邀 褒揚之典聞者多爲詩文以彰之嗚呼
未嘗慨女教之不修而人才因之日耗其故何也士大夫
家庭之內禮義不講習聞習見未知尊親一旦委質爲知
敬上寡廉鮮恥見利忘義甚至作奸犯科得罪名教貽羞
於妻婦猶且颯然自得不知居於何等噫嘻此何人哉如
此女者生長田家耳不聞禮義知改字之爲羞貞潔自守
觀其事親動循禮法不爲利動雖素緜爲行之君子又何

加焉易曰坤道其順乎承天而時行夫之於婦天也婦之
不順是爲逆天夫以逆天之行而能易厥後者吾未之聞
也嗟乎世之高視自命者聞此女之風可以惕然悟矣
通議大夫兵部左侍郎諡襄敏南川張公墓誌銘

明
孔天胤

嘉靖三十九年庚申三月二十三日通議大夫兵部右侍郎
南川先生張公卒於家卜明年辛酉某月某日某時其
弟都察院右僉都御史永石公訖巡撫順天乃先期以其
從姪進士德化所述公行狀寓書於外史讀曰子知吾兄
者幸作銘嗚呼悲夫哲人其亡失我柱石著顯其立德與功

炳炳而在教不殆公諱珩字佩玉別號南川世稱南川先生始祖初之自美邊石故張氏世家石州焉高祖居曾祖大全俱戴德弗耀祖讓贈都察院右都御史兼兵部右侍郎考文輝初封監察御史愿贈大理寺左少卿都察院右都御史兼兵部右侍郎母康氏愿贈夫人繼母馮氏愿封夫人咸以公貴云叔考權起家宏治中進士公八歲從授小學十四披易母兄時齋先生即潛心性命之學敦尚儒行才章兼美為中正德癸酉鄉試辛巳登進士第自與迓辛直專力聖學者九年壬午皇上卽位為嘉靖元年被試御史上疏請崇正間邪以新聖政癸未實授陝西道監察

御史濟審京通鋪行委革投充占役二十餘家給補員欠物價二萬餘兩尋奉勅巡鹽兩淮上濟理十二事練覈利弊盡見興除如罷權苞掛號之例杜奸商橫托之門乃其大者蓋正德以來權姦用事鹽法大壞至公始一釐正國課之外歲得羨銀一百三十餘萬解貯大倉大司農秦公亮乞旌勞得賜羊酒文幣有差又造運船以省荒年之徵派濟革坊以來貪竈之復集至於講學興禮問苦艱飢所以教士替穰民命慶慶如也奉竣巡按畿輔復巡按陝西所以使康正繼貪邪察寃隱除橫暴在畿輔則奉勅實濫討之莊田而歸之民發武吏橫檢之罪惡而收其黨在陝

西則正陽宮繡橫之罪而訓典昭革矣帶官功之弊而石
器審監臨舉選最號得人窮達下邑靡不詣感至於講學
典禮問若賑飢所以教士留續民命一慶慶如淮揚考事
竣部議超擢會外艱弟果士辰起復掌河南道振紀揭核
匡益宏多時講官員缺大學士方公薦公學行純明補翰
林侍講公三疏力辭之已乃陞南京太僕寺少卿未幾轉
大理寺左少卿尋引疾告歸居歲餘召還陞都察院右叅
都御史巡撫延綏是時邊計久陳公至罷不急之務汰無
益之員躬勵將士融以恩威慎審機宜戢守無失尤自節
約以弭貪競忠信以倡勇敢蓋凡所經畫盡意安攘而已

故延鎮備倭底密已文陞南京都察院右副都御史提督
漢江尋取道遊院進階嘉議大夫年五十四擢吏部考察天下
官員多稱公為準按其年陞左副都御史會宣大總督之
缺廷推屬公公上疏言邠人不便從事遂以忤旨落職為
民安伯召復原職巡撫宣夏凡所經略安攘一切延綏時
其年陞兵部右侍郎兼都察院右叅都御史總督陝西三
邊軍務公三總統方略計出萬全若中調度真難遠策大
要以飭內治為上廣心德為本故其選將練兵整備設繫
率以靜制動以逸待勞臨事決議必開誠布公無用智自
私之意以故公威重如山岳惠流若江河云是時四鎮大

史如翁公為進客留一時鴻略之臣無弗敬服公節制者
前後斬獲首虜五百八十有奇生擒十一奪獲馬輓六千
二百有奇夷器一萬四千有奇蒙置書金帛褒獎者三乙
已陞都察院右都御史仍兼兵部右侍郎丙午陞戶部尚
書督理大倉兼管西院農事未任以延綏失利被繫議配
慶陽士子召復用復以都察院右副都御史巡撫延綏癸
丑陞南京兵部右侍郎陞轉本兵之左適丁繼母滿憂制
終撫按交薦起用而公忽不起矣公生於成化丙午十一
月二十五日享年七十有五葬於山寺平原之新兆從公
卜也先是奏聞於朝以公功德尤元贈公部尚書謚襄敏

仍獲一子送監讀書其政祭造其各遣官從事為甚濯典
也名配王氏累封夫人生子賢路娶車氏早亡女一適章
廷副室楊氏李氏生子賢門孫女一適監生馮潮李氏生
平路即恩蔭者聘按德新御史孫公女賢路有子曰斌即
官生公至御史恩大僕廷尉及中丞司馬皆隨披重殿因
并宣序而經刑西陲之功大且大矣然兩陟再室未克厥
勳其竭忠盡瘁而已者邪公忠孝仁明廉尤則毅澗養定
正履履積實尤博練羣雜以觀泉有而難當於一源故所
出功行文辭不愧古人生平樂取人善尤好指誨後進泊
懷遠度淵滄山峙令儀令望邦國之典型人倫之師表云

所遺有恩光赫煇於心學國南川紀年表錄文集各若干
卷傳於世系之銘曰

在昔貴立厥維德功德由學懋功以德崇維公崇備講典
博通以事以業宜勤亮忠侍史僕射命滋益恭敏披而土
式遏寇戎文武是憲實司馬公進廣兩室望出遂於人為
公惜公固時痛誼贈徽顯曰襄司空再蔭取嗣俾世克鴻
景杆坦坦高山隆隆銘其弟朽為其有窮

太子太保兵部尚書兼都察院右副都御史兩江總

督諡清端北溪于公墓誌銘

并序

題賜履

總制兩江大司馬北溪于公卒于官卒之日金陵人為之

巷哭相率燭香燈祭於寢日幾千百人樹舍至不能容遠
近聞之皆輟市如喪其親訃聞於 期 天子大震悼

給與恩卹有加公卒之三月孤廷翼等將扶柩歸里門卜

葬於某所於其行也楮銘於于予稱公之清德令望即海

內孰不知之而予又辱公之賻賻交與聞公生予甚悉則

銘公者予而誰謹按狀公諱或龍字北溪別號于山山

而永甯人先世某儒潛德不仕父時煌授臨隴寺序繼居

鄉力行孝義有長者之稱生二子公居次公生而莊嚴異

於凡兒樹長鬚如戟即嘖笑不苟見者憚而敬之性善

喫辛苦諸人所不能堪者一處之恬如為學務敦實行不

屬屬詞章之末嘗曰學者者識得道理頭做去不惹不
到聖賢地也識者建之順治丙申公年四十五矣以明經
賜選授粵西柳州之羅城全羅城在萬山中又屢經兵燹
無城郭人民四時毒霧迷天豺虎盡行於市人頗爲公難
其行公曰君命也獨不聞義不辭險邪遂跨蹇驢從二三
僮僕之位至則滿目荒煙野寂嗚呼而已公坐臥一第解
以一蒼頭執爨招集殘黎每夜同啼泣凱進嘯雨聞者淚
下而公弗顧爰起著芒屨出郭省農事衝煙躡瘴上下懸
崖絕澗中如是者七年而治成異時癘雜推轂之子且漸
知所禮義矣報最遷四川合州守其清風惠澤如在羅城

時未幾購楚之黃州郡丞時美逆叛亂賊匪荆岳國氛以
江漢爲巖壘而黃郡南瀕大江東連廬皖北接諸境所屬
新麻數邑中多崇山峻嶺歷來盜賊盤踞以莽未靖上官
欲借公才望以鎮之遂題陞黃州守無何有盜魁伺士榮
等嘯聚東山謀爲內變人心皇皇莫知所出公曰黃爲江
漢襟喉東山又黃之左臂也撫東山則無黃無黃則無襄
漢卽江以北危矣天下事尚忍言哉於是躬擐甲督鼓率
義勇直搗賊巢比至公挺身對賊賊火燥積不爲動士卒
爭先出戰陣斬士榮等降其餘東山以平以功陞監司
屬防下江尋遷閩臬未數月遂晉本省左轄時閩海方用

兵公曰此則權軍常重矣乃日會計八郡正供及江浙各
省協餉數百萬按時輸轉以滋饋饒仍能統麟比鈞糧出
納則革飛馳破冒那整諸弊蓋斥羨餘若干兩選民間官
吏不得名一錢軍民用是兩便而公自茹淡素如空門老
衲即親友贈遺惟攬其蒲葵而已僚屬為公苦之公曰我
生來無他嗜好布衣蔬食禮也飢寒而已不知世間有愛
享事亦不知饋遺交際款何為計俸入自給有餘要何用
聞者歎服是時外計舉天下清宮第一 天子固久知
公見公名喜謂侍臣曰此子成龍方不德卓異二字特晉
內臺副憲巡撫畿輔畿輔固 帝邦也滿漢軍民雜處

其跡者殺投充侵奪民間勢豪悉為囊橐以取奸利所在
盜賊縱橫充斥白晝殺人莫可窮詰而入獄莊頭尤多不
受理即民間有訟莊頭親上堂呼喚把持之有司莫敢誰
何惟仰天太息而已莊頭者老莊之頭目也公曰我奉
天子命來撫茲土以惠養斯民也豈怯怕哉若雖悍
獨不畏三尺耶於是備保甲嚴運坐以清盜源鋤強暴嚴
懲占以甦窮困令下各屬奉行惟謹公仍不時單騎行旅
肆中密切廉訪諸有抗違立置之法無所假貸自是人人
惕慄無敢有干功令者而益以惠民以安淳沔易水之間
洋洋乎頌聲作矣 天子聞之皆嗟嘆息曰朕獨不得

蓋如予御者而用之耳竊憂百姓哉矣中春二月
 至行在溫輸使慰賜予使著 御製詩篇親灑宸翰以
 寵異之明年漢寇平四方既定 天子念吏治為重遂
 請晉公大司馬總制兩江以風羣吏公聞 命感激涕
 零曰君恩至此難為報矣乃星馳就道語所親曰江左承
 六代之餘習尚浮靡奸弊罕不可破今 天子命我
 必思所以易之而南中人聞公簡命則亦駭汗股慄購相
 告語曰予黃天來矣吾儕尚如此裝飾邪予黃天者吳時
 楚人所稱號公者也無何金陵闔城盡換布衣即婚嫁甚
 敢用音樂士大夫減屬從毀丹墀至有驚沛喘卧不能出

戶者長千米崔爾花桃葉舊時歌舞游樂之地一旦闕收
 如僧舍野人橫野各挈妻孥為獸窟蓋公未入境而江淮
 之間已大更觀矣公至則視之益力略無假借懲刁頑抑
 慳澁禁苞苴革加改舉廉易貪勸學講約期月之間兩江
 數十里蓋駸駸乎丕變矣而勢豪豪右則多所未便爭搆
 為詭語以撼公公略不為意矣曰直道在人爾彼嗷嗷者
 原足恤哉若無何有巡海之命公被檄麻舟以行月餘事
 竣旋治所偶恙嘔吐不食數日而卒時康熙甲子四月十
 八日也公之浙操崎行不可枚舉姑就予之耳目所親記
 者數事述之黃州有巨盜一顆漏網且數載矣百方緝之

不可得公察知其竄次所在則嘗匿居深山古廟乃密捕
捕役若干名伏廟側身易丐者衣往來廟前羣盜見而
之公故稱病遂卧病門內已語盜渠願入其腹渠壯其背
力而許之變姓名曰楊二以公為因憐號鬻子與羣盜雜
處者旬餘竄得其平時所為行劫狀公度再不可久遂如
廁而出密召所伏捕役入廟盡縛之盜免楊二鬻子不得
則意公且遁矣捕役解諸盜至公治所盜問役曰拏我者
何官也役曰前天子二府及進見則廟中行乞入殿楊二
鬻子也盜始知為公所策叩頭伏罪無異醉公乃下堂親
破其械命酒滿引各手一杯盜跪曰我等死期至矣不死

而飲我胡為者公笑曰汝等自作不善罹于法網我不能
代為之寬念廟中一日之報薄其賜酒一延那撒故人意
爾言已獲矣既乃又注即諸盜亦注公曰無庸也獄已成
矣第不忍見汝曹之羣即於殿且以林連我吏為君也亦
群情若干具至並治埋之夫其守其宮其處盜處於是楚
人咸服公之神屢呼公為子活埋云公之自江防遷閩泉
也瀕村僅模被一囊期衣一襲不公趙僕人買蒜筒數石
舉上船舟人曰是賤物為用多為公曰我沿途供饌也載
之且可以壓船既登舟曰咬蒜筒一二枚至閩界乃已其
赴任江甯也僱贏車一輛與幼子共乘之各袖制錢數十

文宿飯者不入公館在州府所載餘日食粗糲一盂粥糜
一匙肴以肴菜終年不知肉味江南人又號公為子蒼菜
僕從無從得蔬茗則日持術從榆樹菜叢之樹為之禿更
日或暑公以疏苧布為帳不能避蚊諸子衣藍布袒跣側
汗透背不敢脫亦不敢揮扇冬則弊衣褐或拂絮襖無甚
也公嘗散行或肩輿或徒步早晚出入僧舍中於是人人
轉相驚愕各有一公在肩輿間彷彿也或見之舉凡面赤
頰白形貌微似公者即指目以為公兒女牀第間語亦
不敢高聲曰子聰蚤得無聞之夢中醉中喃喃囁語亦或
大呼于青天于青天云而公之歿也予以一瓣香哭公於

喪次仰見几筵惟黃燈布幔冷落菜羹而已問其醫者則
歎衣破褲外無長物蓋公之素履耳越類知此嗚呼余考
傳記三代而後以廉幹緝者代不乏人然頗多矯飾沽激
流而刻覈以納於偷嗜故措施建樹表裏初終之際往往
難言之未若公之猶介然質任自然略無矯強刻厲之
迹而誠意感孚無不服教長袖不疾而速直有超越於古
人之上者然後歎公者真不可及而益信誠中形外之為
不誣也公倅黃時子即耳公為屢為言於朝士故公亦以
予為知己初至金陵即與曼與道予廬坐雙榻下握手款
語論及地方事則任之甚力無何橫以直道難行為憂予

曰公亦慮此耶大文夫勤得遂時雖生死亦不可為何况
其他公曰先生者是也愚意亦如此自是公餘常枉過予
而予常弗不在家今年春公意興甚索頰頰請告之志一
日訪予於清涼積谷相對飲者久之其中隱然若重病
憂者予厲聲曰遠志播桐樹下語耶公應之曰唯唯相與
握手而別然公歿公友人鄭君某為予言公近有所忤於
時實實陰中之公懼為所誣陷將無以自白坐是懷志以
歿實無他病也予聞之太息泣下以為公之精忠獲上而
值遺道嗚且有如此至餘有志者又為望其能特立而不
懼也邪然觀 上之待公恩禮終未少營則知公之所

以結 主知者良有素而 聖朝初未嘗以孝讓而
有所參聞之也嗚呼公亦可以自慰於九原矣公生於丁
巳年八月二十七日五時得年六十有八娶邢氏封淑人
三子廷翼貫生廷顯廷元並皆生孫三俱幼公有文集若
千悉行世易名曰清端於法亦宜銘銘曰
嗚呼噫嗚嗚為堯中之芝為賢中之麒麟之益魁魁之益肥
物理既如此斯天道共易知噫嗚嗚不可為也而可為也或
易之橫視茲辭

封朝儀大夫直隸參議道原任平陽府曲沃縣訓導

石州于公墓誌銘

蔡升元

皇清臨封朝議大夫直隸參議道原任平陽府岢嵐縣儒學訓導于公於庚辰之十月二十四日以疾卒於家卒也正夙卦至觀察公署中浙之民莫不書直愛但忽忽若有所失一時新人士攀轅臥轍為之罷市者某日蓋慮觀察公之不可以濟等語而惜其以憂去也觀察公之莅我浙也躬紀綱絕苞苴凜凜乎莫敢干以私然廉而不刻濟而有容遇事務得其情歸於平恕不以刻深為能以故浙之人士畏公者又莫不愛公而公則曰此先君子之遺訓也先君子嘗至署中呼名而教之曰某目一職民命所係勿恃聰明勿任喜怒勿以考成而恣出入勿以獄定而憚平

反強祖以濟節儉家吾不慮汝獄貨身寶也所慮自恃其濟則或傷於好生之德耳準東彌治官書常敬守茲訓勿敢忘嗚呼參議公亦賢矣哉觀其定訓款款懇懇其有不虛無告哀矜厥寡之意令得時而篤其治行必卓卓可觀非所稱學道愛人之君子耶公生石家世有全德父濟端公歷仕兩江總督濟節著於斯野生三子公若長方初任羅城時太夫人在堂濟端公以煙瘴之鄉不敢迎養留公毋邢太夫人及公在家侍奉公上事祖母暨邢太夫人咸由盡孝道一切履醫定省將漚寒燠之節以至疾病疴瘵起居動作之間罔不先意承志以得其歡心且濟端公

家素平持已廉潔賜所贏無幾公獨色養兼至又能
計圖書下撫兩弟以及以教以冠以婚俾至於成人蓋數
十年間清端公得以盡孝王事國憂忘家而無所給之嘆
者皆公之所措措經營矜內顧憂以成其志者也公喜讀
書老而愈篤每有所得輒欣然忘食為人講解亦聲譽不
倦更饒積數授外翰東鐸由沃先德行而後之藝課士為
諸邑冠監司將交章薦之而公固味啖不自耀曰吾母年
高矣卽朝夕冠養曾日伺之幾何而願以仕遂違問視也
余心滋戚矣於是為之力積終養上憲亦不能奪其意公
乃快意於高堂獲侍也與二三仲季曠甚適意甚洽委蛇

暖下承顏頤志斯古哉殊風不甯唯是太夫人以疾培為
之親嘗湯藥文不辨辨者數十天劫一日所云履常必致
其誠過難心致其謹者蓋公之天性純孝有然也且其自
奉最儉池衣襦食處之甚然而及其與人則心存施濟
遇親如重之數贈遺無憾色凡喪葬皆堅實而不能舉者
公必竭力以助邑有流亡則招集之且有饑謹則賑濟之
或控口以給錢或費糧而贖舊或輸糧役民分給牛種凡
所以周恤里黨者無所不至他如修道路治橋梁濟人利
物惟力是規則又皆其睦誼之餘恩所推而及之者也昔
晏子不隱君賜齊國之士特以舉義者三百餘家今三晉

之士皆公舉火者不啻數千餘家吾知德威者其流必易
吳日觀察公東到當國為
濟時霖雨上紹清端公餘猶以高天其門閣何其非公之
貽謀蓋善積厚而流之所致耶公諱廷翼字右之姓于氏
山西永寧州人娶張氏

誥封恭人子一名準現任浙江提刑按察使

誥授朝議大夫廿四長遠太學生崔漸超次遠泰州判官
任昇祚三遠光澤知縣今候補同知張紹素李遠庠生王
協超以今年巳年八月初四日葬公於三交鳳皇山中當
丁山癸向元浙人也託觀察公守下沐德幸教者亦既有

年因以知公之生平嘉言懿行莫可殫述德不能為稱述
之文以表公於千秋乃作銘曰

公有賢父威德不顯公預令嗣祖或足踐府世忠老公實
成之續前修後作述並黃公仕未顯公志已申名在朝尚
德在蒸民非濫之光乃顯之銘用斯斯石永垂亦重

年君道深墓表

任良弼

年氏自勝國來為石州巨族至太守公始貴顯公種文顯
序道深號東山曾祖知祖守中父憲威顯行義高於鄉宜
耀而晦毋季氏亦克配德生子四人公其次也公姿貌莊
重漢隴笑語喜讀善輕貨利公之兄嘗登公徵辦貨公曰

德華不為用。孔所願使。為陶水。平且宅人。已改。世思使。之。終。無。聞。與。時。公。年。十五。始。入。鄉。校。刻。苦。問。學。為。士。聞。人。提。舉。到。使。胡。會。稽。沈。全。隆。皆。名。知。人。按。試。始。首。公。且。有。所。試。之。以。武。郡。邑。中。成。化。庚。子。鄉。舉。命。與。時。奇。異。不。捷。於。春。官。遂。築。室。於。東。山。人。因。號。之。弟。子。從。者。日。眾。公。學。益。純。粹。登。宏。治。癸。丑。進。士。取。舉。取。公。悉。公。抱。負。欲。置。公。科。道。中。偶。疾。作。非。預。明。年。授。大。明。府。清。縣。尹。清。大。邑。也。素。難。治。公。最。就。寬。仁。或。適。取。宜。納。聲。至。今。在。王。戚。當。嘗。贈。以。詩。有。冰。清。鑑。明。衡。平。之。句。實。紀。實。非。妄。言。巡。撫。史。琳。黃。公。篤。刻。木。及。擇。而。公。丁。內。艱。先是。聞。母。病。即。欲。解。纜。歸。養。輒。不。可。發。資。願。

天。願。減。已。算。益。毋。善。及。卒。哀。毀。幾。絕。葬。既。悉。從。禮。不。顧。俗。服。除。補。順。天。府。固。安。尹。固。安。亦。難。治。又。近。京。師。身。權。俸。薄。者。苦。其。擾。則。者。則。羣。兵。而。毒。之。公。接。之。以。忠。信。處。之。以。公。平。取。造。疑。終。化。信。者。以。恭。未。半。年。政。聲。流。行。巡。按。黃。世。經。以。公。風。力。聞。於。上。改。署。公。為。御史。阻。於。仇。讎。無。益。州。知。州。州。卒。舊。狹。隘。且。傾。圮。公。下。車。履。屐。而。嘆。曰。是。誰。之。責。乎。即。拓。地。築。室。輪。奐。異。然。化。美。俗。於。宅。有。北。棗。尚。書。所。記。紀。其。事。巡。撫。張。公。紳。巡。按。曹。公。玉。交。薦。越。二。載。陞。河。間。府。回。知。事。戎。務。僅。集。寢。甚。公。樹。場。建。屋。簾。昏。棘。卒。纒。悉。畢。燭。民。咸。怪。以。為。神。豪。賦。巨。寇。避。跡。他。所。巡。撫。韓。福。喜。曰。是。可。為。鑑。

郡冠吳式於五府以顯其之值逆瑾擅威福用飛語述公
詔獄竟誅公廣萊化州同知公戒行李無戚容有勸公者
桑梓者公曰既以身許國而又懷土君子不為也抵境廣
之藩臬委公盤運州暨意欲湊公乏萊既瘴厲公笑曰吾
豈以利害死此易其心者邪竟之任未幾獲河南汝南府
同知尋致仕以御史薦復公官改彰德公欲不赴親友力
勸曰害公者瑾也公不起欲誰咎邪始就職時盜賊縱橫
於山東所至破郡縣殺長吏於萊州尤甚銓部難其守知
公賢推公知府事既至浚隄崇墉器守賊具信賞金嚴復
諭以忠義曰若等王民也理勢宜勝賊縱不幸亦忠義也

矣公踴躍於大畝稱卒獲保全閭境以密時忌公者據要
濟或勸公饋遺乞饋公曰古人不無者流改府吾獨效時輩
焉哉竟壽仙履致仕歸鄉里為頭耆會與耆英飲陶然自
得若未嘗仕者一日勸于及之興南湖江湖舟次臨濟濟
卒正德十一年五月二日也公壽六十二娶吳氏子二概
義官桂嶺進士有文行不存公後吳某履德於斯亦有數
世一孫男四孫女一柱舉狀來子次墓表子舉進士從公
後知公詳狀公門人張戶部所作著因為之辭曰卒公孝
於母友於兄弟睦宗族嚴妻子世共知也然學不專章句
而務得聖賢之蘊奧以故造詣深而函養固執以柱雖

悍權奸險危險惡而不屈者蓋亦之輕而不易其內之
重也是豈獨今人之所難哉可謂則直之士矣予是以表
諸隨若夫隨官恭職易人之難此又公之小試而弗克大
施者命有遇順不遇又適乎時之宜不宜也其阻於仇厄
於讒閹忌於讒佞邪正異好故古如斯無足怪也無足怪
也

贈中憲大夫北直大白府知府原任山東邱縣知縣

潘苞高公墓表

明 閔如霖

正德十五年二月十五日邱縣知縣潘苞高公以疾卒於
家又明年三月二十五日葬於石州沙會村渠西平之原

其女得之子兵部侍郎南川張公實為志銘又三十一年
而公之長子按察副使孟門先生以養來屬如縣為文表
於墓公諱崇明字文昭以太學生受長垣縣丞秩恭接士
不徒張樂養貴人請比未嘗出聽上官廉而賢之委以縣
因暇饒公決睡不寤案無留積政無有方夜人全活又善
賑董張邑城以其率也民樂於道不數月而姓填樓櫓城
壯孔周已而旁野寇起剽劫橫行所致城破長垣獨賴公
以全謀最隆邱縣知縣長垣人士垂涕遮道留不獲乃愈
謀立碑祀公功德且生祠之夫邱山東要衝也時寇勢益
張入邱界中百姓奔竄震駭公呼諭以義親提劍登陴畫

夜延守金鼓震天地聲薄城下終不能攻而去公治郎不
尚威刑唯以德化而獲悍賊沒之徒鍊鋤不少賢雖無精
政邑有頌聲當道擬慰薦之待以大任而公觀政政還歸
咏之暇則謀試諸子講說經籍諸子咸以文著名並門先
生登進士授行人歷陞兵科左給事中大名府知府以故
公贈文林郎給事中再贈中憲大夫知府配馮氏太儒人
加封太恭人有賢淑之行宗黨儀式之曾祖整齋端純而
隱里中稱爲長者父岱景泰丙子舉人授觀城知縣贈監
察御史兄崇輝義官崇熙都察院副都御史崇省宏治已
酉舉人崇慶義官與公友愛甚篤子曰長金即孟門先生

先生直道彰於諫垣仁政流於畿輔遷兵備副使持正不
阿頗以私恨中傷之者竟弗能爲先生嘗先生乃積疾乞
休吏部重先生才德與錢僕其疾已而徵用之上許焉乃
今撫臺監司交章累薦且爲大司矣次全次介麟游縣丞
次食三河主簿再遷壽州史同孫其云翻等十四人曾孫
維崧等二十三人各業儒元孫二人耀煥幼鳴呼公族貴
而德則茂也位卑而績則大也宜有以表揚之况如蘇乃
孟門先生門下士承命可無辭乎遂論次以刻諸石

盧氏縣令于君蓋表

明劉定之

予往歲奉命祀嵩嶽登高臨遠見瓊巖千百里間願指以

間人初言來賓盧氏兩邑富庶其民自得於熙洽之反積
有日矣予心善之今行人劉秩以其同官于坦來謁詢坦
之父縣令君諸表墓追憶歲同則予至嵩正君為此兩邑
續成之後也君名淵字德深石州白雲里人倫遠建中仕
賢其曾祖祖父也俱隱處不仕有善行君少入州庠習詩
經貢生監益勳所業師友稱之思政事滿得仕初丞永濟
巡撫河南都御史與藩憲文章薦擢為令繼改令盧氏其
在永濟民男女嫁娶不及期者促之成禮勿以質賤相責
望從而畢婚者三百餘室舊渠三宜利新興萬潑溉田十
頃沮塞既久失其故利率眾鑿治之敗壤積望歲有常收

巖洞產銀採者爭鬪死傷委置崇陽巡檢司前悉乃珥邑
遺民淪漁孟津渡以其違言於期得免役者十七家所修
柱樓山川邑屬壇城隍嶽洛大禹先武文彥博廟皆勝著
類於大成殿學宮致力尤多儀設禮器巍煥堅橫增拓輪
林學士薛友諒所建洛所書院以居來學絃誦翕然奉詔
完其邑郭鼎新聚木石從濠濬池可為經遠計其在盧氏
不克久然聲已著於郵封民歸嚮之賦集訟理無異永濟
也於是君年踰六十毋強孺人年踰八望九矣君乃告歸
奉親教子之暇優游山水閒歸之明年甲戌見子坦登進
士列於朝行又若干年而毋壽終近百齡暮然有儀光於

聽聞未幾者本年年七十有一矣元配慕繼車及高三氏
子男四泰振茂坦女二適李振玉翁婿年生孫男十一豐
國監生理瓊紅瑞瑛從從孫文八適庫生安貞王前
韓瓊餘未聘曾孫男三天順癸未十月十四日君卒之日州
西孟家嶺之陽其葬處也惟君宜殯存於所在之處有實
可表而祿集於家者隆本延技而非天之報君而然邪未
有無足報而天與施之者也由是觀之君信善令矣表其
兆域非時示子孫使克念前聞抑後顯揚於未已彌彰宜
民澤物之有機祉也



—

—

—

—